

外科癰瘍機要  
上中下三卷

薛氏醫旨按

癘瘍機要序

夫醫猶理也醫之有瘍醫猶理之有兵也善爲理者奇幻理固  
齊其百可使紀綱法度各有所攝而不地則垂堂之無恙  
可以無變不幸而一隅乘釁然後不得已而兵起法  
所尚也將藉之以除亂也彼其平居無事之時而藥  
之本既已縝密完固而無所疎漏一旦有急則陰問與衛氣相  
兵雖試而國家之元氣不虧醫之爲道也亦然方  
也湯液之所及也其在腸胃也湔浣之所及也若  
之間甚至不可名狀者彼何爲哉其能不攻刺乎其  
乎顧攻有守而後攻擊有備而後擊苟不諦其虛實不量  
羸而動曰攻擊之吾恐病未却而精已耗譬則忿兵數逞而國  
計內空疥癬之疾將不爲腹心之患者幾希噫可不慎乎故明

於理者可與語醫也已世之以瘍名家者多矣然孰有如我立  
齋先生者耶蓋先生以岐黃世業旁通諸家微詞蹟旨靡不究  
竟其言以爲不知外科者無以通經絡之原委不精內經者無  
以究陰陽之變合內外殊科其揆一也故其視病不問大小必  
以治本爲第一義無急效無近期紓徐從容不勞而病自除  
出瘍瘍機要一編屬其友沈生梓之以傳沈生讀之  
意而訂古方以醫案而驗治效以調補爲守備之  
爲攻擊之權宜蓋不出乎廟堂之訐謨而坐得  
術假令業醫者而孰是焉旣不病於滯而不通  
無本奚至攻其所習而毀所不見耶噫若先生  
於理者矣是錄也顧不可傳哉或者曰誠若所  
門異業者非歟周官有疾醫瘍醫二職並存何也

也昔秦越人之爲醫也聞秦貴小兒則小兒醫趙貴婦人則帶  
下醫周貴老人則耳自痺醫一醫而三習非其術成奇幻理固  
不殊也若周官所存則以其職言耳豈如後世其有以  
相通者哉古之任官居則爲命卿而出則爲卿  
理與兵兼焉孰謂內外醫果不相通者哉  
嘉靖歲甲寅中秋秀州沈啓原道卿甫著

方藥

之間與衛氣相

癰瘍機要上卷

薛氏醫按

吳郡薛 已著

新都吳玄有校

本症治法

變症治法

瘰癧治法

類症治法

各症治驗

愈症方藥

內經云風氣與太陽俱入行諸脉俞散於分肉之間與衛氣相干其道不利故使肌肉潰膿而有瘍衛氣有所凝而不行故其肉有不仁也有榮衛熱附其氣不清故使鼻柱壞而色敗皮膚瘍潰風寒客於脉而不去名曰癰風其治法當刺肌肉骨髓以泄榮衛之沸熱靈樞經以銳針刺腫上出惡血近代先哲云感天地肅殺惡氣所致其上體先見或多者毒在上也下體先見或多者毒在下也蓋氣受邪則上多血受邪則下多氣血俱受

則上下齊見若眉毛先落者毒在肺面發紫泡者毒在肝脚底  
先痛或穿者毒在腎遍身如癰者毒在脾目先損者毒在心此  
五臟受症之重也一曰皮死麻木不仁二曰肉死針刺不痛三  
曰血死爛潰四曰筋死指脫五曰骨死鼻柱壞此五臟受傷之  
不可治也若聲啞目盲尤爲難治大抵此症多由勞傷氣血腠  
理不密或醉後房勞沐浴或登山涉水外邪所乘衛氣相搏濕  
熱相火血隨火化而致故淮陽嶺南間多患之治當辨本症  
兼症變症類症陰陽虛實而治焉若妄投燥熱之類膿水淋漓  
則肝血愈燥風熱愈熾腎水愈傷相火愈旺反致敗症矣

### 本症治法

一癰瘍所患非止一臟然其氣血無有弗傷兼症無有弗雜况  
積歲而發見於外須分經絡之上下病勢之虛實不可槩施攻

毒之藥當先助胃壯氣使根本堅固而後治其瘡可也經云眞氣奪則虛邪氣勝則實凡云病屬有餘當認爲不足

一癰瘍當知有變有類之不同而治法有汗有下有砭刺攻補之不一蓋兼症當審輕重變症當察後先類症當詳眞僞而汗下砭刺攻補之法又當量其人之虛實究其病之源委而施治之蓋虛者形氣虛也實者病氣實而形氣則虛也

一癰瘍砭刺之法子和張先生謂一汗抵千針蓋以砭血不如發汗之周遍也然發汗卽出血出血卽發汗二者一律若惡血凝滯在肌表經絡者宜刺宜汗取委中出血則效若惡毒蘊結於臟非蕩滌其內則不能痊若毒在外者非砭刺遍身患處及兩臂腿腕兩手足指縫各出血其毒必不能散若表裏俱受毒者非外砭內泄其毒決不能退若上體患毒宜用醉仙散取其內蓄惡血於齒

縫中出及刺手指縫并臂腕以去肌表毒血下體患多宜用再造散令惡血陳壘於穀道中出仍針足指縫并腿腕隔一二日更刺之以血赤爲度如有寒熱頭疼等症當大補血氣

一癰瘍服輕粉之劑若腹痛去後兼有膿穢之物不可用藥止之若口舌腫痛穢水時流作渴發熱喜冷此爲上焦熱毒宜用瀉黃散若寒熱往來宜用小柴胡湯加知母若口齒縫出血發熱而大便秘結此爲熱毒內淫宜用黃連解毒湯若大便調和用濟生犀角地黃湯若穢水雖盡口舌不愈或發熱作渴而不飲冷此爲虛熱也宜用七味白朮散

一癰瘍手足或腿臂或各指拳攣者由陰火熾盛虧損氣血當用加味逍遙散加生地黃及換肌散兼服

一癰瘍生蟲者五方風邪翕合相火制金木盛所化內食五臟

而症見於外也宜用升麻湯送瀉青丸或樺皮散以清肺肝之邪外灸承漿以疏陽明任脉則風熱息而蟲不生矣肝經虛熱者佐以加味逍遙散六味地黃丸

一癘瘍久而不愈有不慎起居飲食內火妄動者有臟腑傷損氣血疲乏者有用攻伐之藥氣血愈虧者有不分兼變相雜用藥失宜者有病人諱疾忌醫者

一癘疾愈而復發有不戒厚味內熱傷脾者有不戒房勞火動傷腎者有不戒七情血氣傷損者有餘毒未盡兼症千動者有氣虛六淫外乘者古人云此症百無一生正謂此耳

### 兼症治法

一頭目眩暈若右寸關脉浮而無力脾肺氣虛也用補中益氣湯若左關尺脉數而無力肝腎氣虛也用六味地黃丸若右寸

尺脉浮大或微細陽氣虛也用八味地黃丸血虛者四物湯加  
參苓白朮氣虛者四君子湯加當歸黃芪肝經實熱者柴胡清  
肝散肝經虛熱者六味地黃丸脾氣虛弱者補中益氣湯脾虛  
有痰者半夏白朮天麻湯砭血過多者芎歸湯發熱惡寒者聖  
愈湯大凡發熱則真氣傷矣不可用苦寒藥恐復傷脾胃也  
一口喎目斜若手足牽搐或鬚稜痒動屬肝經血虛風熱用加  
味逍遙散六味地黃丸以生肝血滋腎水若寒熱往來或耳聾  
脇痛屬肝木熾盛先用小柴胡合四物湯以清肝火生肝血若  
筋攣骨痛或不能動履用六味地黃丸補中益氣湯以滋化源  
若因服燥藥而致者用四物湯加生甘草金銀花以解熱毒益  
陰血凡此俱屬肝經血燥所致須用六味地黃丸補中益氣湯  
爲主若因怒氣房勞而甚者用六味地黃丸十全大補湯爲主

若因勞傷形體而甚者用補中益氣湯十全大補湯爲主

一夏秋濕熱行令若飲食不甘頭目眩暈遍身酸軟或兩腿麻木口渴自汗氣促身熱小便黃數大便稀溏濕熱傷元氣也用清燥湯如在夏令用清暑益氣湯若自汗盜汗氣高而喘身熱脉大元氣內傷也用補中益氣湯若嘔吐少食肚腹痞悶大便不實脾胃受傷也用六君子湯若胸腹不利飲食少思吐痰不止脾胃虛痞也用四君子湯若形氣倦怠肢體麻木飲食少思熱傷元氣也用人參益氣湯

一熱渴便濁若夜安晝熱者熱在氣分也用清心蓮子飲晝安夜熱者熱在血分也用四物二連湯俱佐以六味地黃丸若寒熱往來者肝經血虛也用加味逍遙散六味地黃丸  
一小便不利若因服燥藥而致者用四物湯加炒黑黃柏知母

生甘草以滋陰血若頻數而色黃者用四物湯加參朮麥門五味子以生氣血若短而色黃者用補中益氣湯加山藥麥門五味以滋化源經云無陰則陽無以生無陽則陰無以化

一大便不通若血虛內熱而澁滯者用四物湯加麥門五味子以生血潤燥若因燥熱之藥而患者用四物湯加連翹生甘草以生血清熱若服尅伐之藥而致者用四君子湯加芎歸以助氣生血若作渴飲冷者熱淫於內也用竹葉石膏湯以清胃火若作渴飲湯者腸胃虛熱也用竹葉黃芪湯以補氣生津若內熱作渴面赤飲湯者用四物湯送潤腸丸以涼血潤燥若腸胃滿脹燥在直腸而不通者用猪胆汁導之腸胃氣虛血涸而不通者用十全大補湯若肝膽邪盛脾土受侮而不能輸化者用小柴胡湯加山梔郁李仁枳殼治之

一怔忡無寐或兼衄血便血若內熱晡熱作渴飲湯肢體倦怠  
此脾血虛而火動也用四君子加芎歸若思慮傷脾動火而致  
用歸脾湯加山梔若發熱晡熱用八珍湯加酸棗仁茯神遠志  
若因心血虛損用栝子仁散大抵此症皆心脾血少所致但調  
補胃氣則痰清而神自安不必專於清熱治痰

一發熱惡寒若肢體倦怠煩躁作渴氣高而喘頭痛自汗者此  
內傷氣血也用補中益氣湯加五味麥門怠倦食少大便不調  
小便頻數洒淅惡寒者此脾肺氣虛也用升麻益胃湯煩躁作  
渴體倦少食或食而不化者此脾氣虛熱也用六君子湯

一發熱在午前脉數而有力者氣分熱也用清心蓮子飲脉數  
而無力者陽氣虛也用補中益氣湯午後脉數而有力者血分  
熱也用四物湯加牡丹皮脉數而無力者陰血虛也用四物湯

加參朮熟從兩脇起者肝虛也用四物湯加參朮黃芪從臍下起者腎虛也用四物湯加參朮黃栢知母五味麥門肉桂或大味丸其熱晝見夜伏夜見晝止或去來無定時或起作無定處或從脚起者此無根虛火也須用加減八味丸及十全大補湯加麥門五味更以附子末唾津調搽湧泉穴若形體惡寒喜熱飲食者陽氣虛寒也急用八味丸

一口乾若惡冷飲食者胃氣虛而不能生津液也用七味白朮散若喜冷飲食者胃火盛而消燄津液也須用竹葉石膏湯夜間發熱口渴者腎水弱而不能上潤也當用六味地黃丸若因汗下之後而有前患胃氣虛也宜用八珍湯主之

一作渴若煩躁飲冷者屬上焦實熱用涼膈散兼大便秘結者屬下焦實熱用清涼飲若用尅伐之藥而渴者氣血虛也急用

八珍湯六味丸

一耳聾耳鳴若左寸關脉弦數者心肝二經虛熱也用四物湯加山梔柴胡生陰血右寸關脉浮大者脾肺二經虛熱也用補中益氣湯加山梔桔梗培陽氣若因怒便作用小柴胡湯加山梔芎歸清肝涼血若午前甚用小柴胡湯加參芪歸朮補氣清肝午後甚用四物湯加酒炒黑黃柏知母五味補陰降火如雨足心熱屬腎虛用六味丸以壯水之主兩足冷屬陽虛用八味丸以益火之源

一項強口噤腰背反張者氣血虛而發瘧也仲景張先生云足太陽病發汗太多則瘧風病下之則瘧復發汗則加拘急瘡家發汗則瘧蓋風能散氣故有汗而不惡寒曰柔瘧寒能澁血故無汗而惡寒曰剛瘧皆因內虛復汗亡津血筋無所養而然悉

屬虛象非風症也當大補氣血為主故產婦潰瘍勞傷氣血濕熱相火誤服尅伐之劑者多患之其義可見

近以瘧爲瘧傳寫之誤也

一婦女經閉若因鬱火傷脾以歸脾湯加山梔丹皮氣血俱虛以八珍湯加山梔丹皮若因服燥藥傷血以四物湯加生甘草若經候過期而來者氣血虛也八珍湯倍用參朮先期而來者血虛熱也四物湯倍加參朮牡丹皮將來而作痛者氣虛血滯也四物湯加茯苓白朮香附色紫而成塊者血熱也四物湯加山梔丹皮作痛而色淡者血氣虛也用八珍湯其血崩之症肝火不能藏血者用加味逍遙散脾虛不能統血者用補中益氣湯凡此皆六淫七情虧損元氣所致當審其因而調補胃氣爲主

### 變症治法

一身起疙瘡搔破膿水淋漓若寒熱往來者肝經氣血虛而有

火也用八珍散加丹皮柴胡寒熱內熱者血氣弱而虛熱也用八珍散倍用參朮若惡寒形寒者陽氣虛寒也用十全大補湯若肌膚搔如帛隔者氣血不能外榮也用人參養榮湯若面部搔之麻痒者氣血不能上榮也用補中益氣湯若痿軟筋攣者血氣不能滋養也用補中益氣湯佐以六味地黃丸

一口舌生瘡或咽喉作痛若飲食喜冷大便秘結者實熱也用四順清涼飲肌熱惡熱煩渴引飲者血虛也用當歸補血湯飲食惡寒大便不實者虛熱也用十全大補湯熱從下或從足起者腎虛熱也用加減八味丸若飲食難化四肢逆冷者命門火衰也用八味地黃丸

一牙齒作痛或牙齦潰爛若喜寒惡熱屬胃火加味清胃散爲主惡寒喜熱屬胃虛補中益氣湯爲主